

- b) Tijelo za prekograničnu saradnju,
- c) Kontrolno tijelo – definisano Odlukom o uspostavi sistema kontrole za programe teritorijalne saradnje ("Službeni glasnik BiH", broj 55/16).

Član 4.

(Struktura u programima koji uključuju zemlje članice EU)

Programi u kojima učestvuju i zemlje članice EU provode se u podijeljenom sistemu upravljanja i zahtijevaju postojanje sljedećih struktura:

- a) Državno nadležno tijelo Bosne i Hercegovine (koje u programima transnacionalne saradnje uključuje i funkciju državne kontakt-tačke),
- b) Kontrolno tijelo - definisano Odlukom o uspostavi sistema kontrole za programe teritorijalne saradnje ("Službeni glasnik BiH", broj 55/16).

Član 5.

(Rukovodilac operativne strukture)

- (1) Rukovodilac operativne strukture je ovlašten da predstavlja Bosnu i Hercegovinu u zvaničnim kontaktima sa operativnim strukturama partnerskih zemalja u cilju bliske saradnje u ispunjavanju obaveza od zajedničkog interesa u skladu sa članom 76. Okvirnog sporazuma.
- (2) Rukovodilac operativne strukture odgovoran je za koordinaciju rada i nadzor nad radom tijela koje čine Operativnu strukturu iz člana 3. ove Odluke u skladu sa članom 4. c) Dodatka A Okvirnog sporazuma.
- (3) Rukovodilac operativne strukture obezbeđuje Državnom koordinatoru za IPA II (u daljnjem tekstu: DIPAK) sve neophodne informacije o provođenju IPA II Programa prekogranične saradnje u kojima Bosna i Hercegovina učestvuje u cilju podnošenja godišnjeg izvještaja o implementaciji IPA II pomoći Evropskoj komisiji od strane DIPAK-a u skladu sa članom 58. Okvirnog sporazuma.
- (4) Za program koji se provodi u indirektnom sistemu upravljanja (IPA II Program prekogranične saradnje Srbija - Bosna i Hercegovina 2014. – 2020.), odnosi između Rukovodioca operativne strukture i tijela u sastavu Operativne strukture te njihove pojedinačne odgovornosti i zadaci bit će regulisani posebnim međuinstitucionalnim sporazumom.
- (5) Funkciju Rukovodioca operativne strukture vrši pomoćnik direktora u Sektoru za opće i zajedničke poslove u Direkciji za evropske integracije.

Član 6.

(Tijelo za prekograničnu saradnju)

- (1) Funkciju Tijela za prekograničnu saradnju u BiH (u oba sistema upravljanja: direktnom i indirektnom) vrši Odsjek za prekograničnu, međunarodnu i posebne programe pomoći Evropske unije Bosni i Hercegovini u Sektoru za koordinaciju programa pomoći EU, Direkcije za evropske integracije, koji je nadležan za učešće u pripremi programa prekogranične saradnje i izmjenama programa, učešće u pripremi bilateralnih sporazuma sa partnerskim zemljama, uspostavljanje, regulisanje rada Zajedničkih odbora za praćenje kao i predsjedavanje sastancima Zajedničkog odbora za praćenje (u programu koji se provodi u indirektnom sistemu upravljanja), nadzor nad provođenjem programa u saradnji sa nadležnim institucijama partnerskih zemalja i Zajedničkim odborima za praćenje, uspostavljanje i nadzor nad radom Zajedničkih tehničkih sekretarijata te uz njihovu podršku i upravljanje programskim sredstvima za tehničku pomoć, jačanje kapaciteta aplikantata i korisnika, provođenje mjera vidljivosti programa, uspostavljanje

sistema i provođenje monitoringa projekata i izvještavanje o implementaciji programa i učešće u evaluaciji. Za sve poslove iz ovog stava odgovoran je rukovodilac Odsjeka za prekogranične, međunarodne i posebne programe pomoći Evropske unije Bosni i Hercegovini.

- (2) Tijelo za prekograničnu saradnju će godišnje, a po potrebi i češće, izvještavati Vijeće ministara BiH o napretku u implementaciji programa teritorijalne saradnje iz svoje nadležnosti.

Član 7.

(Državno nadležno tijelo)

Funkciju Državnog nadležnog tijela Bosne i Hercegovine u programima teritorijalne saradnje koji se provode u podijeljenom sistemu upravljanja vrši Direkcija za evropske integracije, u okviru koje je i funkcija državne kontakt-tačke za transnacionalne programe i to u Odsjeku za prekogranične, međunarodne i posebne programe pomoći EU Sektora za koordinaciju programa pomoći EU. Nadležnosti i odgovornosti Direkcije za evropske integracije kao Državnog nadležnog tijela u ovim programima (INTERREG trilateralni program prekogranične saradnje Hrvatska - Bosna i Hercegovina - Crna Gora i tri INTERREG transnacionalna programa: Dunavski, MED i ADIRON) uključuju učešće u pripremi operativnih programa i drugih programskih dokumenata i izmjenama istih, koordinaciju javnih konsultacija u Bosni i Hercegovini u fazi programiranja i strateškoj procjeni utjecaja na okoliš (SEA), učešće u pripremi multilateralnih sporazuma sa partnerskim zemljama, učešće u radu Odbora za praćenje i nadzor nad provođenjem programa u Bosni i Hercegovini, učešće u izvještavanju o implementaciji programa, a u ulozi državne kontakt-tačke i korištenje dijela programskih sredstava za tehničku pomoć za svrhu jačanja kapaciteta aplikanata i korisnika u Bosni i Hercegovini, praćenje provođenja projekata te provođenje mjera vidljivosti programa u Bosni i Hercegovini.

Član 8.

(Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH".

VM broj 19/18
4. januara 2018. godine
Sarajevo

Predsjedavajući
Vijeća ministara BiH
Dr. **Denis Zvizdić**, s. r.

225

Na temelju članka 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) i članka 7. stavak (5) Odluke o sustavu koordinacije procesa europskih integracija u Bosni i Hercegovini ("Službeni glasnik BiH", broj 72/16), na prijedlog Direkcije za europske integracije, Vijeće ministara Bosne i Hercegovine, na 130. sjednici održanoj 18. siječnja 2018. godine, donijelo je

ODLUKU

O IZMJENI ODLUKE O USPOSTAVI KOMISIJE ZA EUROPSKE INTEGRACIJE

Članak 1.

U Odluci o uspostavi Komisije za europske integracije ("Službeni glasnik BiH", br. 79/16, 93/16 i 71/17) u članku 2. stavak (2) točka n) mijenja se i glasi:

"n) Delfa Dejanović, Vlada Brčko distrikta Bosne i Hercegovine, član;"

Na temelju članka 80. Zakona o sprečavanju i suzbijanju zlorporabe opojnih droga ("Službeni glasnik BiH", broj 8/06) i članka 17. i članka 22. stavak 1. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i